



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-3-40-032-4/21**

Datum: **26.02.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica, «VETERINARSKA STANICA» d.o.o. Tešanj za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta inkubatorske stanice u naselju Dobropolje, općina Tešanj, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica, «VETERINARSKA STANICA» d.o.o. Tešanj za donošenje rješenja o vodnoj dozvoli za ispuštanje tehnoloških otpadnih voda sa lokaliteta dograđenog objekta inkubatorske stanice izgrađenog u naselju Dobropolje, na zemljištu označenom kao k.č. broj 94/2 K.O. Mekiš, općina Tešanj s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene tehnologije procesa čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Pravno lice, «VETERINARSKA STANICA» d.o.o. Tešanj, svojim zahtjevom zaprimljenim 27.01.2021. godine, zatražilo je od ove Agencije izdavanje vodne dozvole za ispuštanje tehnoloških otpadnih voda sa lokaliteta dograđenog objekta inkubatorske stanice izgrađenog u naselju Dobropolje, na zemljištu označenom kao k.č. broj 94/2 K.O. Mekiš, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-19-002777 izdatog dana 07.11.2019. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 18.10.2018. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-15101-2/18 izdatog dana 05.11.2018. godine od strane Uprave za indirektno-neizravno oporezivanje Banja Luka,
- Kopija Zaključka broj: 05-25-07128-2/12 o odbacivanju zahtjeva za izdavanje vodnog akta za zahvatanje, korištenje i ispuštanje sanitarno-fekalnih voda izdato dana 18.12.2012. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o vodnoj saglasnosti broj: UP-I/25-2-40-141-3/13 izdatog dana 20.03.2013. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UP-I/25-3-40-588-4/14 izdatog dana 24.12.2014. godine od strane «Agencije za vodno područje rijeke Save» Sarajevo,

- Kopija Rješenja o upotrebi građevine broj: 12-23-06606/14 izdatog dana 05.09.2014. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Ugovora o izvođenju radova na čišćenju separatora, preradi zauljene vode mulja iz separatora zaključenog dana 16.02.2021. godine sa «EKO SERVIS» d.o.o. Tešanj (prilog: radni nalog o čišćenju broj: 05/21 od 16.02.2021. godine),
- Kopija Ugovora broj: 083-01/21 o skupljanju, skladištenju i zbrinjavanju medicinskog otpada zaključenog dana 21.01.2021. godine sa «KEMEKO-BH» d.o.o. Lukavac,
- Kopija Ugovora o vršenju usluga odvoza fekalnih otpadnih voda i pražnjenja septičke jame zaključenog dana 28.11.2012. godine sa JP «RAD» d.d. Tešanj (prilog: račun o čišćenju broj: K0279-19 od 29.03.2019. godine),
- Glavni projekat vanjskog vodovoda i kanalizacije dograđenog objekta inkubatorske stanice u Tešnju, urađen od strane «ZAVOD ZA VODOPRIVREDU» d.d. Sarajevo (šifra: ZZV-SV-GP-587, februar 2013. godine) – na uvid,
- Dokaz o uplaćenju upravnoj i administrativnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog poslovnog objekta u naselju Dobropolje i tom prilikom je sačinjen Zapisnik o uviđaju broj: UP-I/25-3-40-032-3/21 od 17.02.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat Veterinarske stanice Tešanj na kojoj je izvršena rekonstrukcija i dogradnja sa inkubatorskom stanicom se nalazi u naselju Dobropolje, općina Tešanj. Glavni zadatak savremenog inkubiranja je da se od uloženi jaja za nasad proizvede maksimalan broj vitalnih i zdravih jednodnevnih tovnih pilića kao osnovni uslov za njihovo stavljanje u tov. Trenutni kapacitet inkubatorske stanice na sedmičnom nivou je oko 210 000 izvedenih pilića koji se dalje distribuiraju kooperantima.
- Snabdijevanje vodom za sanitarne i tehnološke potrebe obezbijedeno je priključkom na gradsku vodovodnu mrežu kojom upravlja JP «RAD» d.d. Tešanj. Sanitarno-fekalne otpadne vode nastale u sanitarnom čvoru za uposlenike se prikupljaju zasebnim sistemom kanalizacije sa odvodom u vodonepropusnu septičku jamu bez preliva za što je od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona izdat vodni akt.
- Nakon svakog ciklusa, vrši se pranje, čišćenje i dezinfekcija prostorija i inkubatora kao priprema za naredni ciklus. Otpadne vode nastale pranjem i dezinfekcijom opreme i pribora, kolica sa ladicama, ambalaže te pranjem poda i zidova prostorije za pranje i dezinfekciju prikupljaju se zasebnim sistemom slivnih rešetki i kanizacione mreže te odvođe u vodonepropusnu septičku jamu bez preliva (kapacitet 12m³) koja se čisti od strane nadležnog JP «RAD» d.d. Tešanj prema posebnom ugovoru.
- Otpadne vode sa uređenog i asfaltiranog manipulativnog platoa i parking prostora koje mogu biti onečišćene uljima i naftnim derivatima se prikupljaju sistemom slivnika sa rešetkom nakon čega se odvođe na tretman u separator ulja i masti kapaciteta. Krajnji ispušt prečišćenih voda je potok Smrdelj. Čišćenje separatora vrši se od strane «EKO SERVIS» d.o.o. Tešanj prema posebnom Ugovoru.
- Medicinski/infektivni otpad se odlazi u kontejnere do konačnog zbrinjavanja od strane firme «KEMEKO-BH» d.o.o. Lukavac sa kojom je zaključen poseban ugovor dok se valionički otpad (ljuske od jajeta, ostaci žumanceta, uginuli pilići i dugi produkti izlučivanja embriona) neškodljivo uklanja, stavlja u čvrste plastične kese i odvozi van zgrade stanice na deponiju animalnog otpada kojom upravlja preduzeće «MADI» d.o.o. Tešanj (osnivač).
- U tehnološkom procesu inkubiranja - proizvodnja jednodnevnih pilića, ne nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-032-2/21 od 10.02.2021. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «VETERINARSKA STANICA» d.o.o. Tešanj
Dobropolje br 2, Tešanj
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava